







S. VIII. 33.

20
EPICEDIA

Memoriæ

VIRI

Spectabilis, Prudentissimi, Doctissimiq;

DN.

PAULI GISII

Ampliss. hujus Reipubl. Steti-

nensis Consulis p.m. suis acerbissimè,

sibi felicissimè,

denati

Anno Ære Christiana ∞ 17. CXXX. Jubilei

Augustana Confessionis 2. Ætatis


sue 57. 6. Non. Octobris.

Condolentiæ ergo conscripta.

STETINI,

Typis NICOLAI BARTHOLDI,

Anno M. DC. XXX.



Ec modum habet nec consilium, res
civica, quî sic?

Alter enim Consul nunc etiam
occubuit.

Proh dolor! ô Jehovah stator supreme ubi non
Res aut consilium, consule concilio (est
Namq; ubi consilium humanû finitur, ibi ultrò
Exoritur superi Consulis auxilium.

D. Cramerus D.

Ad pie defunctum Consulem

DN. PAULUM GIESE.

Singula qui flevit, quî risit singula quondam,
Cui quadret dicat, nasci, hominem ve mori.
Attigit, & si quisquam hac secula ponderet,
annon

Quo, quorsum vertat se hereat ambiguus,
Consule denato liceat mage, si ve creato

In luxum aut luctum sollicitare animos.

Cogit amor patria fieri, sibi vindicat illa

Nam partem nostri, si est honor, est & onus.

Patria quod voluit tribuisti, pensat honore

Funeris, & dignum munere transit onus.

Patria

*Patria quæ restat partes sibi vindicat omnes,
Et, Triadi totum dedita, amica cohors.
Non onus est, at honor dives gaudere tot inter,
Cœlestis curas curia non patitur.*

Christoph. Albinus D.

*Ad pie defunctum Dn. CONSULEM, Cognatum
suum carissimum, bonorum omnium cum luctu Urbis
huic ereptum.*

IN cuius nuper suffectus es, Optume Consul,
Numine supremo nempè volente, locum;
Hunc modò funestæ sequeris vi Mortis adem-
ptus,

Consulis officium & rursus in urbe vacat!
Sic adeò in Nostram (dolor heu!) efferbuit urbē
Vindictis Ira Dei, tot mala nosq; premunt:
Ille suas Nobis, factò velut agmine, turmas
Immittit, Pestem, Bella, Famemq; simul:
Totq; graveis, gelidæ Mortis præludia, Morbos,
Quos Ego vix omneis dinumerare queo!
At, verū ut fatear, Tibi honos is onusq; laborq;
Martiō & hoc sæclō Curia cura fuit.
Nunc expers curæ es Cœlesti in Curiā & Aulā,
Nulla ubi Mors, nec Mars amplius arma mo-
vet.

Hac lætus fruire, & præmissum amplectere NA-
Cujus Te dixti funera velle sequi. (TVM,

Veræ ac sinceræ συμπαθείας con-
testanda ergò scribeb.

ANDR. HILTEBRANDT.

MED. D.

Ardentis voti nunc consultissime Consul,
Effectus compos, perfrueris requiè.
Nemo tibi invidet præsentis commoda vitæ,
Quin etiam exoptet talia fata sibi.
Namq; oculis posthac non cernes improba facta,
Nec lædent aures verba maligna tuas.
Ipsam sed rerum Dominum modò cunctipotentem,
Qui servat verbo cuncta creata suo:
Et servatorem Christum, cum Elamine Sacro,
Pleniùs agnoscens concelebras pariter.
O mihi contingat consortem tempore primo
Collaudatorem & perpetuum esse tibi.
Vitam longævam vixi, cupioq; resolvi;
Annorum satur, heu, emeritusq; senex.

Κάτθανε σὸν αἰῶνα, ὅτι πνύσμαι ὦν Ἰππιαστὺς
Πλείστον, ὥστερ ἰδεῖν ἄλγιστον, ἢ θανάτῳ.

V. L. M.

Curia curarum domus est, cui curia cura
Vivere securè nocte dieq; nequit.
Vnus præ multis Testis dignissimus est hic
Consul, Consilio clarus & auxilio.

Nil

*Nil prater curas huic semper Curia amaras
Prestitit, infractâ mente animâq; ferens.
His tandem ereptus, Cœlestis Curia cara
Aura est nunc illi. Compater Ample Vale.*

M. Casp. March

Pastor Penku.

Sit licet exilio implicitus, ferro, igne fugatus,
Attamen ô GISI! mæsta Thalæia canit,
Ad tumultum querulas voces, deponit amaras,
Atq; tuum fatum deflet amore pio.
Consulis officio functus, clarissime Consul!
Deponis fasces, clarus in officio.
Laudabunt alij virtutes, Consule dignas,
Me juvat exilium flere referre datum.
Ad placitum Domini officio curisq; levatus,
Obdormis verâ, morte secante, fide.
Ad patriam veram tendisti, Numine plenus
Divino, carpis gaudia vera poli.
O nimium felix! ô terq; quaterq; beatus,
Quem Deus eripuit, temporibusq; malis.
Ereptus curis, superâ jam sede locatus,
Mortales curas, spernis & omne malum.
Atq; tubas belli, Mortes, Mavortia castra,
Tot pestes spernis, bella cruenta, faces.
Te MICHAEL Princeps conscripsit, sede beavit,
Dignius officium, regna beata, dedit.
PAULUS Tharsensi PAULO conjunctus amicus,
Cum CHRISTO, PAULO vivat honore pari.

Invidia hinc abeas! Livor post fata quiescit;
Ex merito CHRISTI, gaudia vera cape,
Sit requies animæ, pax ossibus, inq; sepulchro,
Exulis officio functus, & hinc vale!

M. Laurentius Schluterus, Ecclesia

*Mariana Paservalcensis in cineres redacta Archidiaconus, Ministerij Senior, justa funebria in publico luctu & exilio Sedini Pomeranorum de-
centus, mærens apposuit, & consanguineis & a-
micis defuncti exhibuit.*

Non malè demoritur, subitò qui concidit: iste
Sed pejùs, cujus vita peracta malè est.
Is, benè qui vixit, moritur bene: serius istud
Seu fiat citius, distat utrunq; parum.
Ergò, cum subitò moreris Clarissime CONSUL,
Tam benè qui vixti, non male demoreris.
Vitam commutas fragilem cum perpete: vitâ
Et bene transactâ digna brabeia capis.

*Contestanda vera condolentis
causâ facieb.*

M, Martinus Leuschnerus

Duc, Pæd. Rector.

Ad Excellentiss. Virum,

D. LAURENTIUM EICHSTADIUM,

*Physicum Reip. Sætin. Ordinarium, Amicum & Fautorem
plurimum honorand.*

Con-

Consulis EICHSTADI, Soceri fles fune-
ra! fletus
Tecum, si possem hōc tempore flere,
darem.

Verūm siccavit tandem mea lumina fluxus
Continuus, raptā triplice prole mihi.
Proximus hebdomadam quinarū cursus acerbā
Hac clade afflixit meq; domumq; meam.
Ægro, dic, æger solamen amicus amico
Ecquod præstabit? quā relevabit ope?
Quod licitum non est mutare, feramus uterq;
In solo spes sit nostra reposta DEO.
Non ea confundet. Nostrum est sperare, filere:
Sic DOMINVS subdet robora pectoribus.

Ἰεραγέλας ἔχ' σπουδαί. ἐν. ἐξ.

*M. Heinr. Kielmannus, Ducal.
Pædagogii Stet. ConR. Gr. L. & Poës. Prof.*

Quā fueres Consul, Consul dignissime, versus
Unus honorificus fusus & alter erat,
Omnia qui de Te non vilia, vota q; pro Te
Promebat, frustra prodita quæ video!
Te siquidem Fatum, cum fuis omnia votis
Pro nihilō ducens, sustulit ante diem.

Ergò

*Ergò dolorificus jam tristi pectore versus
Unus (at in vitè) funditur, alter item:
O dolor! ô lacrimæ! ô suspiria pectoris ima!
O quidquid mentis spiritus intus alit!
GIESIVS, ille bonus Fautor nostri ordinis abje-
Invitus Consul debuit esse, Fuit! (Et,
Scribere plura vetat nummorum exactio dura,
Curaq; nulla mei scribere plura vetat.*

omni diebus bene merito scribebat

*M. Martinus Bambanius
P. L. & Sch. Sed. Sen: ConR.*

In obitum modò piè defuncti CONSVLIS.

D*Um furit, atq; fero tollit Mars omnia ferro,
Ut tutum toto constet in orbe nihil,
Imperiosa rapit Lex ad vadimonia Mortis
Patrem conscriptũ jam properante pede,
Qui non immiti tractabat spicula dextrâ,
Nec sævum rigidi Martis amabat onus;
Ast erat irato communis in æquore portus:
Ac simul in placido remus & aura mari.
Consul namq; salutaris, virtutis amicus,
Utile consilium, præsidiumq; dabat.*

O si

O si nunc potius furiat à mente Coræbus,
Aut quisvis alius publica damna parans,
Quàm Consul noster, finisset tempora letho,
Tot mala, tot pestes non metuenda forent!
Sed quia jure sub Lex ad vadamonia Mortis
Hunc rapuit nobis imperiosa Patrem,
Ferre decet Legem placide, quacunq; ferenda est;
Cum nulli excipere hinc, aut replicare datum:
Cumq; hic in Cœli solio superumq; recessu,
Ocia perpetui commoda veris agat.

Vltimi honoris ergo sic parentabat

ANTONIUS VVALTER

Sch. Stet. Senat. SubRector.

Heu Fortuna potens, nimis es variabilis, atq;
Quàm semper constans in levitate tua es!
Muneribusq; fidem solita es servare pusillam:
Tu quem clarificas, perpetuone foves?
Exemplum quæris, Dea fallax? aspice saltem.
(Heu factum indignum) CONSULIS exuvias.
Hunc dictaturæ cum nuper honore bearas,
Nunc Morti addicis præopera nimium.
Sic Protei faciem semper servus & adusq;
Lubrica & inconstans, perfida es atq; levis.
Vos verò cives in planctus solvite vultus,
Nam vobis iusti causa doloris adest.
Non etenim fungum, terræ nec inutile pondus,
Non aliquem bardum Mors furibunda rapit:

B

Soler-

Solertem, doctum tollit legumq; peritum,
Juris tutorem, proficuumq; virum:
Spectata in magnis cūjus sapientia rebus
Judicium & dextrum sæpe diuq; fuit.
Tuq; Stetinenſis multūm Respublica luge;
Næ tibi jam digna est causa dolore data.
Vir Fatis cessit, quo nunc vel maximè egebas
Casibus in dubiis anxia dum posita es.
Et nostri in planctum solvantur membra lycæi
Singula: Te, Consul, lugeo, cordicitus:
Tu mihi Fautor eras, praemunitis Maximus unus
(Nam memini) in rebus praesidiumq; meum.
Quod restat, requiem tibi nam gratulor, & nos
In cœlo vivens opperiare: VALE.

Amplissimo Dno. Consuli, Mæcenati suo de-
sideratissimo in ultimi honoris & obser-
vantia tesseram hæc scripsit

IOANNES Schultze Cantor.

EXequias GISII meritò maſtamus honore,
Officium pietas hoc sua promeruit.
Lustra decem moriens septemq; peregrat Annos:
Ingenij & morum dexteritate valens.
Artibus ingenuis juveniles destinat Annos
Laudatq; Viri nomina docta tulit.
Namq; Senatorum numero fuit additus hujus:
Vrbis, quos inter Stella corusca fuit.
Postea sex Annos gessit Cameraris honorem,
Bis denos ejus Curia sensit opem.
Gessit honorati Fasces quoq; Consul is idem,
Consilio Cives in vix ubiq; suo.

Vlso.

*Placuit Patriæ servire libenter,
Non potuit, mortis subditi imperio.
Mens plaudat cælis, ac Terris Fama celebris,
Corporis & placide hæc umbra quiescit humo.
Donec ad adventum Christi revocata sub Auras,
Totus Homo, semper vivet in Arce poli.*

Honoris & condolentiæ ergo
fecit,

ANDREAS MARTINI
Witeberg.

UT posuit CLEMENS Consul fascesq; animamq;,
Atq; suo celsit firma columna loco.

GISIUS, Urbe suis celerem minitante ruinam,
Succurrit, Patriæ mole sibi impositâ,
Sed lapsus impediens, eheu, collabatur ipse.
Quâ periit, nostri Consulis ecce fidem!

*Als newlich eine Seul diese Stadt war hingefallen?
Wolt ein gerew Patriot die Last tragn vnter allen.
Er streckt sein Kræfft daran. Fällt aber selbst hin.
Sieh so hat er den Tode für sein Treu zum Gewin.*

M. Johannes Micralius.

O Tristes subitasq; vices! ita deseris urbem,
Chære Socer, nostrâ Consul in urbe Socer!
Consulis officium nuper gratabar adeptum
Ipse tibi, sperans gaudia longa fore.
At diuturna, eheu! steterunt non gaudia nobis,
Namq; tuum tristem lugeo nunc exitum.
Mortuâ quoq; tristantur schola, curia, Nati
Et Nata, Coniunx, totaq; nostra domus.

Nempe

Nempe ita in humanis divina potentia rebus
Ludit, in orbe volens esse vices varias,
Sed quid de nece prae propera scribam ve loquar ve,
Cur, Socer, ingrato funere quaso cadis?
Ante DEVM pretiosa solet mors esse piorum,
Quali illos tandem funere mors rapiat.
Vivis, amate Socer, licet atro funere merus,
In caelis vita gaudia perpetua.
Hic virtusq; fidesq; tua & dilectio CHRISTI
Et patriae terris vi vit oratq; simul.
Ipse DEVS vidit nimirum te mole gravatum
Curarum, hinc transfert curiam in aetheream.
Quod non invideo, interea me tangit & angit
Nostrorum & chara perdita sors patriae.
Tu nostrum miserere DEVS, miserere jacentis
Et patriae, pestem, bella, famemq; abige.
Atq; locum supple dignaq; habiliq; vacantem
Personam, per quam publica res vigeat,
Quod restat, jaceant busto tua mollior ossa,
Mi Socer, atq; DEI commoda gignat opus.

Dilectissimo & desideratissimo suo Socero
ponit gener mortuusissimus

L. E. D.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

